

四庫全書

集部

欽定四庫全書

古歡堂集卷四

戶部侍郎田雯撰

五言古詩

濟南分題十六首

鮑山拜叔牙墓

窈窕松路深迢遞成孤往  
雨濕烏角巾花沾紅藤杖  
遺跡不可尋但聽樵歌響

由黃桑院步至扁鵲祠晚登嵒山

繫馬策短筇投憩黃桑院不見采藥人  
牽确石路轉初夏天氣晴磔磔鳥聲變

柳絮泉訪李易安故宅

跳波濺客衣演漾迴塘路清照昔年人  
門外垂楊樹沙禽一隻飛獨向前洲去

城東五里小清河南岸拜閔子騫墓

菰蘆花未吐菱荷葉已香日夕下山椒  
歸鴉亂迴翔石桴在溪側無風響白楊

萊莊觀邊華泉墓碑

溪風吹野棠，亂落花如雪。  
惆悵青林間，淺山埋片碣。  
晚

天淨無雲萬峰一明月

自錦繡川尋芍藥至水枝菴僧房茶話

劉函山先

生讀  
書處

泉放竹間溜，嵐浮溪上岑。  
婪尾一川花，清磬招提深。  
明滅落霞飛，俯仰生遠心

韓倉訪白雪樓遺跡

直過丁香灣便入韓倉谷谷口閒無人鳥聲媚幽獨蘿

花絡長松雨晴如膏沐

丁香灣水名  
韓倉村名

柳溝拜滄溟墓

鞍山平如屋瓢峯插其傍十里茶白河野水流泱泱拄

杖步空林松風吹衣裳

鞍山瓢峯山  
名茶白河名

四風閣訪辛稼軒舊居

藥欄圍竹嶼石泉逗山脚風流不可攀誰結一丘壑斜

陽甸柳莊長歌自深酌

稼軒有一邱一  
壑詞甸柳村名

許殿卿書樓在芙蓉泉西

晴霞飛不斷湖水含泓澄一叢白菡萏無數紅蜻蜓我  
愛許長史詩思何泠泠

杜康泉上酒樓

波綠亂峯青躡屐夕烟颺帘引燕子飛雨過辛尼放水  
邊醉易醒花落風潭上

北渚亭拜曾南豐先生像

雲髻攢遠岫荒祠抱清灣舴舺隔浦停鷓鴣當我還萬

頃藕花風收之襟帶間

水面亭南謁薛文清王文成二先生祠

小溪架畧約亭榭如村塢  
蓀蔴數百竿綠籜戰風雨  
裴回未逢人停策望遠浦

歷下亭李北海杜子美宴集題詩處

修竹不受暑清風几席前  
鷗鷺既容與草樹復芊栗  
留兩三聲何人恣流連

晚坐來鶴橋聽道士彈琴

歛薄歷山根遠注自王屋琴聲和泉聲清響滿空谷千  
載無賞音山鴉鳴灌木

渴馬厓間步尋花

千尺渴馬厓三叉鴨王口微雨衣半濕時已寒食後暮  
投川上村紅桃間綠柳

麩

釀酒先治麩如穀之初種白墮傳方法年麥獨可用揉  
以薑杏汁包猶菰葉糞麩餅十字裂月令三伏仲晝曝



亭午炎夜滋花露重赤脚長鬚徒不異猿狙衆竹筍橙  
木盃朝暮相搬弄西村黍將熟新米農父送桑落菊花  
開浮蛆成數甕車前擁八騶誰復為此夢但結麴生歡  
不支大官俸對之口流涎樹間秋鳥哢

棗

棗熟何離離似楊梅盧橘半紅橫醉頰全艷勝丹漆鍾  
山大于瓶羊角甘似蜜當秋綴枝繁愛此庭樹實千頭  
萬戶侯木奴遜其匹撲之滿筠籠雜以梨與栗狡黠兩

狃豕上樹無停日飽啖三百顆角爭語蹇吃舐犢勝惜  
棗未嘗一呵叱商飈起天末落葉感蕭瑟尚想安期衣  
尋仙却衰疾

豉

我聞合豉法如獺之祭魚五味兼藥材鱗次須有餘餽  
釘融椒橙調和勝葵蔬大苦載楚辭康伯徵異書方法  
報山妻七筋善蓄儲我性厭肥膩老矣黃鵠癯煖胃門  
冬飲得此心神舒

芋

芋以蹲鴟名取義亦漫漶多怪厭惡鳥僻事何曾見終  
南大專車蜀都富克饌嬾殘寒火煨誰人取其半十年  
作宰相鄴侯不貧賤西村蒔畦園丁勤澆灌其葉似  
蔣菰雨後滋蔥蒨秋肥滿筠籠擔來泥沒盪朝夕恣一  
飽狼藉更爛漫慚無龍腦香豈有三城炭芋甑悲遭遇  
下體等藜藿

蟹

連日太常齋蔬食魚肉寡獨于郭索肥破戒不能舍寒  
蒲縛數輩無異餉龍鮓見之酒興生老饕貪杯箠雙螯  
可敵虎菊湯葉盈把彭蜺莫自誤蟲魚熟爾雅兩手何  
曾閒余真好事者

招元龍食餅

舉舉江南子讀書不嗜酒靜坐紅豆齋自旦輒至酉天  
風吹滂葩一一落君手吾目僅見之孟生東野後庖厨  
厭北食南烹我何有且來看菊花撐腹噉牢九

食鱸魚偶作魚出吾鄉馬頰河中土人呼之為  
鱸非張季鷹所思者

小巷聞賣魚饒涎流未已尺長鱗鬣紅百錢得一尾俄  
頃七筋香煮來信肥美名鱸少兩腮非產松江水火鐺  
煨淡粥老屋夕陽裏不醉不成眠下酒正需此窗前柿  
葉黃颯颯秋風起

鬼車

十二月十六日夜三更  
人見之一名九頭虫

鬼車海上鳥翅垂而口張其大如車輪其聲如笙簧參

錯有十頭羽毛色青蒼天狗噬其一九頭紛低昂轉軸  
載百鬼凌空恣遊翔陰風吹天黑破額流血黃血流偶  
點汚人家罹禍殃見火輒驚墮撲燈為隄防癸亥嘉平  
月此物來何方有人夜見之駭懼互旁皇城柝擊三更  
衆星沒無光嘔啞推一車魑魅排兩箱一口出一聲參  
差和宮商羣雁落蘆灘霜笳鳴戰場怪哉九頭虫其毒  
勝虎狼我欲持彎弧殺之遺路旁不則揮長戈逐之至  
扶桑鷓鴣與鷓鴣種種非吉祥安得杲日昇天清來鳳

鳳常讀廬陵詩鬼車有數行亦如玉川子蝦蟆見篇章  
誌怪為此辭不嫌鶴脰長

蘇門山拜孫登像

小峯石一拳大峯壁千尋山椒風雨聲如聞鸞鳳音我  
坐長松下一彈龍脣琴嘯臺抱斜陽俛仰悲古今

順風

道士狀北阻風三日岸有甘寧祠因禱馬  
禱畢風便半日行二百里快甚作詩紀其

事

鴉鳴道士泫霧埋馬鞍村舟澀苦寸移風逆江水昏譬

彼鞭病捷服箱駕壞轅二三操世者枕旁背曝暄瑟縮  
泊斷崖買米續夕飡道遥步土岡白葦吐花繁針墀蠹  
破廟周遭繚敗垣僧雛揖我入紺殿兩重門甲冑一將  
軍環珮一嬋媛歷久享血食儼然神枋尊前楮懸夔鼓  
後廡飄鈴幡野衲前致辭顏如老醉髡云是甘興霸夫  
婦雙古魂殘碑未可辨漫滅僅半存有請弗我拒數錢  
具炙膳剪紙擊瓦磬酌地傾窪罇願借飽帆颺如鳥縱  
高騫祭畢歸舸風便長年喧解纜衝巨浪又如快馬



犇須臾二百里兩岸聞啼猿北人非利涉只宜坐巾軒  
矧乏濟川才環堵守丘樊自哂豚蹄祝感通非所論或  
者惜鈍滯破屋愁鳶蹲作詩答神意殘雪照戎墩布衾  
冷于鐵飲酌聊自溫

豬婆竜

舟泊半夜水湧數丈濤聲如鼓幾溺幸免晨起眎之高岸為深潭矣舟子曰此

豬婆竜也作  
詩紀其事

偶犯垂堂戒艤舟寒港曲奔岸高于山削壁平如屋夜  
漏支四更一聲震地軸轟電卷蜺虹猛獸嘯林麓石崩

成沸淵沙潰為深谷江豚鼓鬣遊千百相舐觸幾使舟  
中人盡作新鬼哭天明詰三老宛似凍龜縮云是豬婆  
竜久於泥中伏往昔用兵時旌旗飛萬斛曾此嬰其鋒  
俄頃遭溺覆聞之空歎息蠢狒誰所蓄豈同遼豕白不  
堪孫弘牧世有屠竜手慎勿逞狂毒蓬窗為此辭波面  
飄滕六

采石作

江干木末亭中流瀉清漾泠泠新月白橫拖烟水上獨

坐鳥聲寂微茫聞渙唱快哉臨汝郎風情何幽暢詠史  
動高吟文蒸秋濤壯詎期運祖船有客忽相訪千載素  
心人勝事不多讓花垂慈姥暝潮生牛渚漲大雅豈復  
作臨風懷謝尚

和楊龜山此日不再得

此日不再得抱道學庚桑培風無天閼萬里何蒼茫龍  
見與雷聲泰定發天光凜若冬涉川向榮復春陽勿謂  
大隗迷鑿枘劃圓方入世掃蓬心疑義晰毫芒江海王

百谷善下斯足臧神全兼天遊墜車亦無戕平生慕斷  
輪所得但粃糠自求寡尤悔豈知壑澤藏竹梧高百尺  
蘭蕕擅孤芳莞鳴而劍呖舌柔而齒剛可知木雁間處  
之心旁皇大雅猶可作汲古樂綆長歐冶淬湛盧駮駢  
馳康莊發嘯風林中斑斑虎豹章安肯逐羣兒背距夸  
專場蠻觸徒紛紛鞭後如牧羊天地一橐籥魚釜輒已  
忘栩栩動眉鼻腹實骨能彊辟彼泛滄海宜先理舟航  
更如植嘉樹培根枝易長讀易探妙旨消息間存亡塵

嬰費晷景跳丸良可傷訂頑更砭愚志在希猖狂

月下登象山得靜字

雨殘日已黑林深四山暝理策沿溪行不復辨流影衆  
峯甍然來青靄紛造請風定猿鶴睡月浴松杉靜解衣  
生微涼孤亭如小艇

石筍立千尋風潭鋪百頃山下尋水源松花落人頂波  
平菱錢斑溜甍沙鬚靜岩缺動白痕林寂坐夜丙引泉  
啜兩盃長嘯嗒林嶺

陸子靜祠

伊昔陸夫子臨水一開顏  
疏流澤荆民烟巒恣迴環  
青螺黏屐齒紅藤垂花鬢  
泉聲與峯雲收之襟幘間  
長揖謝靈蹤側耳聞潺湲

蒙惠二泉

二泉相伯仲接踵城西隅  
其色如玻瓈其味如醍醐  
重輕差毫釐澄甘本無殊  
一自地肺瀉一從石腹剗  
一淳漱玉池一溉稻花渠  
荆門山麓郡茲水民所需  
緬懷桑

芋翁水事理不麤何其竟闕畧未一置郵符我來探泉

脈水鳥向人呼襟披亭榭曠意與烟霞俱落花餌山麝

垂竿釣遊魚安得三五夕留連浣塵軀

荆門城西曰象山兩峯比峙爭

高皆四十丈輶輅開張下有二泉北蒙南惠一山根石  
竅清浮滴瀝一地中涵然纍纍如貫珠於是鑿石為池  
縛竹為亭花木禽魚周遭掩映而荆人往往遊嬉於其  
間夫泉出山下曰蒙涓涓不息漸成江河有蒙養之道  
焉惠者膏澤旁流其利自溥昔陸九淵領州牧以二泉  
之細流而易竭也因禱於山遂至汪洋萬頃可以灌溉  
蓄洩享其利而無旱澇之虞荆之人德而祀之

菜蘿山五百字

漢南佳山水，迺有萊蘿峯。拔地亘百里，伏僑千萬重。一  
峯初來謁，褰開行其中。嵐靄首相引，逶迤隨短筇。俄歛  
衆峰至，無數青芙蓉。石與人爭路，嶂挿天關雄。迴矚衣  
色變，堆身空翠濃。俛仰各因依，偏塞復玲瓏。吟狖不住  
啼，哀湍無停衝。沅水冒其腹，晝夜相磨礱。夸娥未崩壞，  
狡獪而靈通。礪聲弗息只，疑兩耳充岩乳。所滴瀝獅  
象蛇龜龍，合掌二古佛。瓔絡坐軒應，上有貝葉幢。下有  
怪石供，日午逐峯侶。拮据擬難形容，前者數間屋，後者兩



石弓左者雁鷺犀右者虎豹叢凹者杵臼缺凸者汲塚  
豐昂者觸天柱圓者養鶴籠小者千鈞弩大者萬斛鰲  
立者魚復陣行者桓典驄來者細侯駕去者彭澤蹤紺  
者翠色羽旆者丹葉楓黝者螺子黛黃者蜜房蜂斑斑  
如鳳凰離離如蠓螋如沉香小亭如館娃舊宮如修眉  
襪綠如蟬鬢鬆如醜女生癭如病夫潰癰如老僧拄  
杖如道士鞠躬如說法寶誌如搬家葛洪如五神車送  
如三素雲烘如賓客對揖如劉項交鋒如禡牙開張如

沓潮汎瀾如旌旗  
壁壘如馬同車攻  
如捫蝨談席如送  
船分風如勾連  
阡陌如罷亞  
稊種如天女散花  
如俊鷗搏空如盆罌  
俎豆如城闕  
鼓鐘奇葩既芬  
郁喬木何鬱  
蔥雨後葡萄白  
沙邊躑躅紅  
百尺垂髯杉  
五粒摩頂松  
石櫃鳴竹雞  
潼沔水犂蝴蝶  
大如斗狐狸  
化為翁混  
沌妙結構  
慘淡施鬼工  
神仙互盤踞  
窟宅環西東  
我行一筍兜  
憑虛駕長虹  
平生所罕覩  
開拓萬古胸  
療治此痼疾  
焚香謝蒼穹  
前訪淪鼎池  
是然遇瞿童  
輒與衆峰

別清嘯日下春

白馬渡

江綠如么鳳山黑疑鴉軍鳥道疏一髮巨靈逃斧斤側  
行貼壁轉半嶺蕩層雲徑仄左足欵在外懸二分浪翻  
奔崖動風落石紛紛圓鷗戲激湍鳴鼉衝夕照晚霞一  
望收歷亂黏衣盼

白馬立波面日晴生浪光岩腰連硤腹四圍互開張忽  
見鸚鵡飛翠粲明羽裳江澄同一色上下風迴翔人靜

數龜魚山喧聒松篁石經與水志半在桃川陽

嵇康琴賦新衣

翠紫纓巖流芳班婕妤好  
自悼賦紛翠紫兮紈素

### 雞鳴關

清浪以西山山寨寡罅漏竒險曰雞鳴疇復出其右豈  
有狗盜侶於茲矜解后一夫當萬夫設關不嫌陋棧軟  
如懸絙徑虛似引脰下閭深千尺上通小一竇峭崿逞  
戟矛枯乾少文繡潛蛟曝鱗鬣蒼屹立巖岫淡日搖黑  
光陰風無白晝新鬼舊鬼哭內蛇外蛇鬪混沌初闢時

無乃太錯謬與夫告孔瘁息肩臨斥堠我馬亦虺隤蹠蹠  
躓失步驟思遺項羽拔開拓俛宇宙

雞鳴關孟嘗君事  
又燕太子丹事太

史公引事多同亦如李廣  
熊渠子換武張騫之類也

### 石花

漉漉三岔河轟轟萬仞砦劃然地勢開烏川合一派兩  
厓古所劈峭立山不壞清和四月半湍流忽滂湃斑斕  
石上花初發卷如蠶望之塗朱紅晴霞落天外竒葩三  
五夕小者復漸大十里數百叢赤城冑青靄或圓如羽

輪或浮如甍旆經旬色微黃淡寂餘殘瀨天女采花去  
瓣蕊不可丐水漲畏蛟鼉觸舟多水怪泊夫水落時花  
空已難再熒熒壁蘚光離離無根蒂獨於遠眺宜巨靈  
何狡獪

習安山水佳紅溪抱綠岑無如石花竒疑是優曇林安  
得凌首夏洄溯一相尋挈烟駕漁艇泛泛斜陽沉馮尼  
息浪鼓高柳鳴幽禽繫花衣帶間紅霞滿清襟汲水咽  
脂井晚炊還孤斟月上沿厓行往聽三潮音

關索嶺作

吾足右跛跂一人纔餘半畏登百尺樓况復凌霄漢茲  
嶺箭峯直勢傾一柱觀花蔓疊似螺嵐光鋪如練鳥徑  
只綫垂誰為假羽翰泠泠清風吹躡級倏無算兩腋盪  
閒雲藍輿張風幔樹杪度午鐘依微露僧院杳竹嶼  
寬肺肺泉珠灌茶話已移時坐久烏巾岸格磔鳴不休  
思逐山禽散層層上上頭峯冒明霞亂古麋驚客跳戍  
旗隔樹斷小雨白瑣濕晚店青蕪爨高吟行路難夜涼

生寤歎

生兒

半百年又六龍鍾不自量嬰疾非一種况復久瘴鄉老  
矣玉川子漆丁詎所當陶然萬里外湯餅羅酒漿抱送  
謝孔釋簫芋賽竹玉面鰲如木老準豐兩耳長生於夜  
郎地名汝以夜郎

小伶撥檀槽殷勤擎玉卮裊裊鴨蹠花瓶中三兩枝堂  
上客莫喧聽余前致詞老蚌山薑男雲藍小袖兒計年



金  
卷四  
十四五是翁七十時那見成名日遠膝聊娛嬉我友送  
書來兼惠弄麈詩鞅笑搔白頭紛紛落髻絲

雨中移菊

低雲冒夕嶺殘雷鳴簷間移來東籬花繁英不可刪彭  
澤抱微尚風流思一攀登樓望飛鳥日暮何時還

題徐道冲小像

漫空作風雨寒溜下高林誰將五十弦弄此泉石音非  
無車馬客趺坐自長吟

平生山水懷所得良不淺予之膏肓疾未一遇和扁耽  
此爾何為悠然會心遠

題黃硯芝太史黃山采芝圖

合牡午睡清雨過庭樹沐有客覺然來下馬入深竹手  
招黃海雲岔涌山蘊屋

麝煤迂珪法菴戢龍團香歙州風物佳青山潛攜將竭  
來掘芝還松花撲衣裳

送劉沛原南歸十首

不遇勾龍爽誰是展子虔劉生神逸姿飛動春毫顛峯  
巒與花鳥排闥來我前

文有韓退之詩有杜子美書有顏魯公畫有吳道子我  
欲位置劉能事吳可擬

絹素粉墨多一角數遠峯山童持線車放鷲凌春風子  
不作此態無乃太冬烘

抱縑而請者日相躡于門將以為襪材俗子安足論默  
坐賞音希茗熟香爐溫

顴頰加三毛神采在襟帶優孟學叔敖差可以意會虎  
頭阿堵說倏然筆墨外

為予作畫圖麥光二十幅黧面白髭鬚衰老何其速天  
女散竒葩亂落山薑屋

魍魎呼我前魑魅立我後我行入鬼方其鬼可與友笑  
客擔遠磴滿山揶揄走

白者千里雲黑者萬重巒上合下不開沓連如一山夜  
郎山水窟子乃遊其間

驢涉箏笛浦船過濡須溪遙眺毛公山日下千峯西雪  
葉撲衣裳村鳥寒不啼

好手米襄陽遺跡今無恙不聞淫哇聲花飛墨池上何  
時一行吟閒拄紅藤杖

度曲

東坡不如人其一曰度曲從來顧曲者千載周郎獨聲  
音之道微微銛別雅俗今日梨園部狂吠堪捧腹思洗  
箏笛耳悠曠聽琴筑此事有源流歷遡飛虎僕權輿三

百篇繼騷清且淑  
研匄古樂府  
節奏傷刺促  
六朝格再變  
艷詞隣  
桑濮截句唱  
小鬟叶以絲  
竹肉寒天醉  
旗亭畫壁同  
蠻觸盛唐擅  
名場餘子皆  
錄錄元人競  
相尚百種曾一  
讀文固造平  
淡俚語亦粥  
粥玉茗負逸  
才筆健比黃  
犢天池四聲  
猿藻采過潘  
陸百子山樵  
作風流自馳  
逐粲花主人  
編力追大雅  
躅籜菴最後  
出南北調嫻  
熟合拍九宮  
譜譬車行有  
輻玉貌繡衣  
兒引吭苦伸  
縮手持銅綽  
板鹵莽尤克  
速聊城一趙  
生其人如淡  
菊興

餘曼歌發消我愁萬斛季札昔觀樂古音猶可復山薑  
作此詩偶爾蛇畫足

題友人小像

清揚卷髭鬚衣衫滿烟霞科頭坐片石如泛星河槎天  
風吹面來泠泠落松花

扛鼎太麤豪腐儒一蠹魚周郎不羈人年紀三十餘南  
山射虎歸雪夜讀道書

瘦詩五首

種竹不如人食肉那能多醫俗與消鄙用意亦錯訛帽  
寬帶落日骨骼相戛磨對鏡出面顏况兼髻毛皤吁嗟  
山澤癯老矣復如何

少壯曾幾時跳丸實可憐長繩不能繫忽忽六十年但  
餘皮骨存膏明悔自煎已瘦不再肥粟藥兩無權祗合  
騎黃鵠凌風作癯仙

狼倉入京雒人半不予識髭白雪皚皚鴉黑不存一枯  
槁已朽木暮景何太逼譬彼蠹魚乾尚自穿書穴獵獵



北風吹體僵如寒鐵長史論書法古肥不可及

左車第二牙如葉脫枯桑哆口飲人乳可笑一張蒼糠  
乾殊不惡煨芋亦何常縱縻大官粟翻似眠首陽天女  
散花圖寫照費較量自厭龍種態者來心感傷

臂鷹而來者豪俠少年子髯戟森開張下馬入燕市看  
渠面團團快意乃如此儻荒吾瘠骨稜稜日凸起肥白  
如瓠壺今生良已矣多病沈休文飯顆杜子美

題梅桐崖洗桐圖

泠泠宛溪水亭亭嶧陽木  
奴子弄軍持浣滌媚幽獨  
月上無絃琴斜照一庭綠  
孤坐六尺藤梳頭觀周易  
琴高溪口花敬亭峯頂石  
水淫意何為桐君有潔癖

嵩陽觀漢柏二株

一栢在觀前一栢在觀後  
我來坐披襟自朝輒至酉  
老人上古槎又遇龐眉叟

其上有艾衲其下有茯苓  
知幾千百年未了嵩峰青  
吹

筮上栢巔天風何泠泠

只似雛松肥耻同老檜  
濯綠淨不可唾日與風雨俱上  
有餐术人結巢道猥腴

觴咏怡我情塊然如帝江  
烟霞成痼疾峯巒復春撞  
尤崿皆凡株無此龍鱗雙

窳高來靈祇見之應相揖  
栢顧不重耶將軍有揖客可

笑列頭銜吾為老栢惜

諺云漢封將軍栢猶之東  
岱大夫松也其事不經

何年有此栢映帶於此山  
雄辭山水經雕搜奚以刪  
安

得酈與郭補註於其間

李膺墓

來尋元禮墓襄城大道旁  
龍門不可見山勢遙相望  
郭范同銷歇因之心感傷  
低回上馬去四野天茫茫

淮井

朝至胎簪麓午登胎簪巔  
車馬與卒徒暫留淮井前  
其水深尺餘其下通潛淵  
踰此滙衆流瀟濟成長川  
千蓋衆峰雲忽落巾幘邊  
更有幽嵒花吹來風自便  
風聲與

水聲泚泚復濺濺披衣坐井欄我懷良愜然


龐雪崖郎中招飲棗花寺分曲字

雨餘空翠濕古槐漲新綠招提三五株葉肥如膏沐塔  
院放棗花午風散芳馥不知何鳥啜樹間如琴筑酒人  
脫帽衫吟客追潘陸徙倚佛閣前拄杖縱游目遠山看  
一角閒雲飛其腹向西更數峯蔽虧悵叢木意愜來蓮  
社地僻尋阮曲老衲送歸輿寺門立癯鵠

題眷西堂為處士閻再彭先生

卜栖枚叔里家在雷首陽旅雁已南飛閒雲復西翔  
垂書帶草兩地鄭公鄉

客位置箕帚一老義皇民風流不可攀漉酒遺葛巾  
云誰之思歟西方有美人



古歡堂集卷四

欽定四庫全書

集部

古歡堂集卷五至七

詳校官侍講學士臣法武善

助教臣常循履勘

總校官庶吉士臣何思鈞

校對官中書臣石鴻翥

謄錄監生臣包文訓



欽定四庫全書

古歡堂集卷五

戶部侍郎田雯撰

七言古詩

題李龍眠畫卷

弇州山人譜名畫好手第一稱龍眠今觀此卷歎奇絕  
張吳顧陸直並肩當其下筆風雨作鵝溪十丈何磅礴  
陂陀竹嶼優曇花蒼梧洞庭勢寥廓山口一佛將欲行  
蠻君鬼伯羣縱橫幢璫冠珖詫變相羅什盧女蒼虬精

其後諸佛坐且立一將長眉一盤膝亞松巨楂怪石伏  
悟者捫腹趺者寂天魔赤脚鼉鼉遊陽侯狂飈溟渤黑  
最後雲氣隨飛龍剗然直上蓬萊宮萬頃波濤沸欲動  
前山雷雨紛來從嗟哉異物世罕見金題玉躑開生面  
平津邸第什襲藏當年賜出明光殿玄元廟壁筆有神  
公孫之舞勢絕倫杜老得此應大叫前輩畫手徒紛紛  
妙蹟千年不易遇豐城光焰為呵護翻愁雷電驅神丁  
盡攝澄心堂紙去

題惲香山輞川圖卷子

三十年來四大家蕭惲藍陳皆好手山水直在董巨前  
花鳥不居邊黃後章侯田叔雅好奇尺木濡墨何淋漓  
香山布衣兼衆妙亭亭畫苑稱畫師此卷十幅真可羨  
摩詰別業寫素絹斤竹嶺上樵唱來茱萸泝外峯態變  
花鳥深得沒骨法人物如生鬚眉善苦吟多病思雕搜  
離騷瑟瑟是離愁輞川之圖供伏枕霍然汝南秦少游

寒食行懷潘次耕

去年寒食花滿郊桃紅李白飛山椒亂蹋春泥污短襪  
騎從直轉林塘均酒酣走馬者誰子吳江布衣才孤標  
是時玉溝夾流水浦淑下瀨凌春潮山禽驚客衝衣過  
睨睨邛落如相招白雲空濛舊宮觀蒼松撐突干青霄  
霜皮黛色覆簷溜茅堂四壁無塵囂長春老人脫骨去  
靈妃振髮聞吹簫老我尋仙萬餘日依稀此地逢王喬  
殘碑龜趺插笏立醮壇剝蝕風雷交歇鞍藉草傾綠蟻  
捉鼻大叫風蕭蕭下筆有神破萬卷樂府新曲鳴檀槽

舍人黃門競避席

北方山

眼中潘子真人豪如此快遊不

草草西園濠濮非逍遙掉頭忽撥江南棹蒲帆十幅橫  
輕舳江上茅堂大如笠土銜管屨垂牛腰囊無一錢飯  
不足君之磊塊誰為澆貧賤畏人少檢束瀟湘衡霍將  
焉逃今年寒食東風作柳花撲地拖長條與君相別隔  
歲耳支離蕭緘朱顏凋酌酒擊壺詩在壁老屋短榻光  
飄搖衿衣微涼山雨至空簷乳燕鳴春宵

南太常園亭歌

秋風騎馬城西衢通玄銀榜臨城隅石閣屈盤懸鑿齒  
老槐當門森數株堂上神鬼冷蕭瑟旃檀吐氣凌空虛  
頽面老人拄杖出纏身赤鬪拳髭鬚指揮奴子揖我入  
石欄窈窕花扶疎鐵綆竹屏通地肺潺湲流水成清渠  
木客山魃毛髮動畫工真與常人殊自言泛海駕鼇背  
天風吹送來塵區東窮扶桑西月窟恥學章句同腐儒  
視我辭家乃咫尺他鄉之悲何其愚時際太平三十載  
白環銀甕貢上都安得昆明罷征戰大夏使者長馳驅

賣馬行與李孝廉

李子倜儻多風格龍媒騷褭擁十匹身長耳峻大宛種  
厝養三年高七尺錦雲嶠嶂連錢動肉駿蕭梢玉花赤  
有時射獵騎出遊幽并之野桑乾磧今者蹀躞燕市東  
顧影驕嘶凡馬空驚人欲博千金直時無伯樂嗟途窮  
昨日點兵爭市馬駑駘價高駿駢寡太僕監牧無顏色  
大官火印胡為者安得騎一可敵萬戰場馳突材非下  
雄姿逸態真權奇杏韉寶玦金絡垂天閑沙苑人豈識

歲歲伏櫪鳴風悲伏櫪鳴風思汗血龍殿之側春草歇  
莫使驕驄遭輕賤郭隗臺邊瘞死骨眼中李子真人豪  
鳴鞭投筆盤雲旂一朝得意走千里霜蹄蹴蹋梁楚郊

舍弟有江南之遊作此寄之

鬲河之水流清渠數間茅屋城西隅桃花李花二月發  
落英鋪地如糴榆亭前老樹纏風雨上覆簷溜枝扶踈  
故園景物頗清美行歌被酒真吾廬芋魁飯豆苦不足  
箕踞晞髮狂且迂忽爾蹕蹕趣裝出大江南北長馳驅



鷄鳴唧唧晨星爛誰為脂轄催登途江上未聞銷兵甲  
路旁村落成榛蕪車軋擊鼓過郵亭小吏鞭笞呼  
寒食蕭蕭酒旗少行人空憶黃公壚况聞久客親童僕  
二三赤脚蠻獠奴小者身手太猾黠大者麤糲無完襦  
野店板橋歇行李疲驢破帽隨猿狙丈夫貧賤理應耳  
此遊無乃非良圖腰下犢鼻可終老逢人彈鋏徒區區  
昨歲衝雪來燕邸挑鐙兀坐相欵歎見我形容日枯槁  
展轉懷抱如茹荼我未辭官子作客北堂白髮長倚閭

安得耦耕隱南畝作息田舍傾醞酬春草池塘啼鳥急  
垂楊細雨歸來乎

立春後一日飲李學士園亭作歌

月在單闕春風還檐禽塌翅鳴風前騎馬出門何所適  
短裘麈尾衝晴烟碧山學士招我飲西勾曲巷茅堂偏  
初至不辨路出入無乃此地通林泉髣髴武陵引流水  
桃花夾岸漁人船是時玉溝未解凍青葱竹樹紛鉤連  
賓從馮陵嘯歌發矯如渴驥奔長川酒杯在手書在壁

大簾長劔風雷纏我拭龍脣下衫裊半酣兩翮思騰騫  
昨日讀公富川作開元大厯直並肩思一掬拂識顏色  
狂奴捉鼻多拘攣今夕驩讌浮大白脫帽據地何便便  
坐待春泥二三月城南選勝春暄妍柳花蒙茸乳鷺軟  
河樓修禊聞潺湲酒闌起舞夜過半鐙火幕歷明星懸  
嗚嗚角響行人寂大笑看我珊瑚鞭

洗象行

玉河之水流湯湯柳陰夾岸垂方塘張旗伐鼓傳洗象

一時觀者如堵墻御房廡養二十四天家此物來何方  
蠻奴逐隊踞其背纏身赤鬪神飛揚垂鼻麟輅森開張  
龜鼉窟宅不可當排浪凌潮恣出沒上下縱橫風雨翔  
自昔開邊收象郡日南之貢通遐荒越裳翡翠與俱入  
兩階立仗何堂堂漢室昆明幾萬里苞茅阻絕無王章  
此物日糜大官粟椎牛飲馬空悲傷鼓吹忽歇人聲寂  
水關一閉風蒼涼

松下觀射短歌

平圃蒼松不十舍幾遍尋松止其下岸幘酌酒獨抱膝  
坐看健兒盤寶馬縻桑鎗矟兩角弓鐵鑄篲篲鳴秋風  
碣石之北渤海東應弦正墮雙飛鴻君不見射石沒羽  
如射虎舊李將軍真英雄軍帖昨日募材傑捷書入奏  
戰流血爾徒結束好身手生縛尉佗下南越  
生縛尉佗下南越

撥火篇

凍雲合沓雪塞門饑雀啄雪屋瓦翻十指如椎冷瑟縮

走撥火爐聊自溫獸面雷回置几榻中有榻杻焙新痕  
往昔少年黃犢健短褐不完無寒暄有時埜橋跨驟出  
脫帽放距衝風奔齒髮漸老百憂集心神枯槁如空罽  
羊裘在臂藥在裹鎮日默坐手自捫忽憶鹿關此時節  
六花撲地連山村我欲拂袖辭神虎更誰換杖尋桃源  
呼奴蹋雪搗寒鼓軟脚煖酒眠東軒

報國寺送全郎中

慈仁老樹生晴烟夜來風雨鳴濺濺珠宮鐵鐸聲相向

寒濤決溜如奔泉振衣霄漢歌慷慨有客樓下停鳴鞭碧壚  
紫頰音吡叱安尾寶馬花連錢自言為郎髀肉死鹽鐵簿領  
紛糾纏丈夫生不走萬里讀書致身將徒然七星之野交趾  
北紈袴鼠子方黠儼盤江烏石稱犄角軍書飛動潢池邊

廟堂有詔增顏色出關仗劍無拘攣近聞轉粟下蜀楚  
嗷嗷鴻雁哀春田我欲椎牛擊鼉鼓伏波跼跼驚飛鳶  
坐者舉杯毛髮動據鞍顧盼思流連招提古寺秋花發  
酒酣耳熱松風前

學書

我生學書腕有鬼搖筆苦摹王會稽青李來禽少藏本  
紛紛野鷺同家鷄官奴真蹟偶一見老嫗衣縫窺端倪  
涿鹿篋底貯神妙珊瑚百尺青玻璃始悔從前掃屏幃  
捧心曠里勞嘖啼潑墨臨池輒羞嘆元和新樣何人題  
給札批勅在黃閣庾公六紙誰為携攫取虛名等箕斗  
退筆如山茅屋低瓦池竈煤絕可厭例作書傭心慘悽  
四十筋疲年將老秋虵春蚓難整齊鐵門立限吾豈敢



自不善書非人擠，嬾情何當盡屏去。茫茫天地無町畦，  
竹瓦三尺官舍淺。打窗雪葉風淒淒，十指瑟縮自呵凍。  
愁鋪玉版磨端溪，折脚之鐺煨淡粥。但思袖手投禪棲，  
從此什襲數丸墨。誓不塗抹忘東西。

浣紗行觀劇

柳花冪冪春風柔，法曲妙舞揚清謳。梨園小部錦纏頭，  
紅牙按板彈箜篌。浣紗女兒年十六，君王之側顏如玉。  
朝隨錦帆涇上行，暮入館娃宮裏宿。鐵甲水犀徒紛紛，

夫椒臣妾屬何人會稽遺幣有太宰東門抉眼無將軍  
鞭楚伐齊不歸老鞅鞅少主江干道空嗟伯嚭是佞臣  
浪托鮑君盟舊好倒行逆施多欲獻白首英雄悲遠途  
西施亦悔傾城色不隱蘿村嫁入吳吳越春秋事如此  
曲終酒散悲何已秦庭痛哭申包胥五湖高蹈鷓夷子

百丈旗觀劇

宜春小部教坊兒搗箏撾鼓雙髻垂白纒襖襠花覆着  
登場撇捩蹲且馳尻頂撐地足則躋背如篁篋腰如箕

青熒榼几燒琉璃，偃僂撲朔舞傲傲。  
累黍妙契爭毫釐，身輕一鳥何瀏灑。  
手搖花罕口吹笙，游龍蜿蜒綽板隨。  
靈妃笑電羣相追，紅練雜沓連馮夷。  
弄珠神女來遊嬉，雲旂下駕斑文狸。  
舉座色動喜復疑，有客感激歎神奇。  
此非人巧天授之，公孫大娘乃若茲。  
西河劍氣光離離，我觀此舞生嗟咨。  
一技成名徒爾為，削鑿承蜩世莫窺。  
簷花亂落酒百鴟，空階雨過飄涼颺。  
黑甜軟飽夜何其，張燈高歌百丈旗。

在都十年未嘗釀酒頃老僕自鄉送麩餅至  
遂成兩罌既熟頗美歌以紀之

腐儒粗糲無不可杯中物偏精詳百錢一斗來都市  
箝喉撐腹難禁當青州平原兩不惡吾土信美無低昂  
羅家妙醞錯著水流酥不數鷺子黃遠如鮒魚索枯肆  
監河何能副所望鷓尾滑稽掛壞壁藍尾雕搜鳴枯腸  
麩車忽餉十裂餅赤脚老僕潛携將釀黍兩斛貯雙甕  
活活如乳生清香一瀉瓶盆夜方午寒聲滴瀝聞壓囊

聒眠走看糟丘注箕踞起舞心飛揚戶外北風撼禿樹  
簷烏不叫啄瓦霜急洗破觥就燈火縮如凍龜僮手僵  
坐讀漢書飲無算酣歌疊鼓搥漁陽屋角老梅花將發  
垂垂鐵榦三尺長古人愛酒矜名飲枕麴荷鍾何佯狂  
鷄鳴喔咿天欲曙陶然直入無功鄉

送趙鐵源歸膠西

趙子年少不羈人文章捷敏風格古嗜酒常操五石瓠  
張軍力挽千鈞弩去年羊城出使回錦瑟新詞傳樂府

山高鳥啼庾嶺春江空珠抱鮫人浦當今侍從列詞臣  
豈拂衣袖辭神武膠西亂峯巉似禦海風脫壤蜃霧吐  
曳杖穿雲翠峽深擘妓登筵柘枝舞予同倦鳥思舊林  
山中早寄當歸語何遜梅花費長吟東郭笙竽那足數  
明春欲作二勞遊請掃草堂陳酒脯

水關行

水關發船如走馬伐鼓張旗坐其下山光破碎天蔚藍  
石柵犖确崩湍瀉兩行堤柳搖晴空長條短葉花冥蒙

布颿無力欵乃發疑在五湖三泖中

紛紛陌上撲朔走上巳之前寒食後村女髻插牽牛花  
田父手擎桑落酒翩躚年少挽雙弓罍衣猿臂射飛鴻  
螞蟻墳邊杏花白裂帛湖外斜陽紅

長句送莪嶠南歸

眼中之人南北曹飛揚跋扈文章豪酒後耳熱各大叫  
脫衫據地風蕭蕭阿大樂府譜新曲睂峯一寸嶙峋高  
睂峯剛一寸爛醉起嶙峋實庵句也小謝偏師出勁敵衙官屈宋窮搜雕

旌旗壁壘非一色籬籬闌入狂且驕坐客聞之掀髯笑

奪席攘臂叢譏嘲幽燕老將刁斗壯傖夫絳灌甘遁逃

海內非此二子者千秋無乃太寂寥

上數語述實庵詞話事

是時

西山送涼雨亭前老樹風雷交天陰烏棲聲屑瑟夜黑

茅屋燈飄颺詰朝忽買潞河棹縱橫書卷纏牛腰丈夫

際時耽微祿胡為杖笠尋漁樵君山一峯最竒拔下臨

大江生汐潮烽烟落日蛟龍伏葭茨秋風鴻雁號浩淼

之鄉漫園宅輸君痛飲歌離騷燕市屠沽遭白眼幾人



擊筑還吹簫尚與北曹共晨夕短轅鈍馬同游遨暑涼  
雨過離筵濕簷花迸落鳴新蛸

同木齋梁河方振飲季霖寓齋賦贈

錦秋之湖有李子款段忽來燕市裏不守環堵入承明  
舍人一官將老矣手擲三百青銅錢腸撐太倉五升米  
辛苦日暮官奴帖十指如椎髀肉死鼯鼠飲河才滿腹  
輒嗤鳳德衰可恥豈識支離淡蕩人不隨黃鷄矜爪觜  
放眼曾登華不注無數烟嵐生脚底逆旅擔夫色憔悴

清冷懷抱新詩美此地屠沽舊有徒傳說君來顏色喜  
釀金置酒曼歌發各以百杯澆塊壘還期挂笏西山巔  
與汝濯纓裂帛水我輩清狂乃如此

丙辰生日放言

我生四十有二年忽忽不知老將至今朝對鏡出面顏  
局促衰頰誰所致世言高顙大腹兒持梁刺肥決富貴  
怪我清癯病且頑只合入山藏薜荔自是虞翻骨相屯  
甘讓蔡澤遭逢異執戟十載但為郎菴韞一斗便成醉

通籍廁名等贅疣投刺畏人如縮蝟作賈量無猗頓術  
貪榮豈有灌夫勢黃鷄嘴爪差堪憐蠹魚脈望究何濟  
負郭久荒二頃田養身漫假五禽戲投老空門恥鈍根  
愛讀南華亦強記四座勿喧進一觴看我拂袖理歸計  
吁嗟乎我生四十有二年忽忽不知老將至

九月十日同北山阮亭兩先生實菴蛟門方山  
修來子昭良哉諸子介者家兄泛通惠河屬  
郁生作圖歌以紀之

賤子行役鈍無用老牛服箱鞭不動鴟軋泥塗垂繯街  
白汗翻漿四蹄重五閘瀨激長河通一橋雲聳白堦共  
中流破版鴨嘴船搖櫓唱籌日倥傯官帖例耗水衡錢  
短車苦捉天庾貢一百七十萬石米常抱東南民力痛  
自春徂夏風日佳吏人趨走蠻觸閔夾岸柳花半篙水  
何暇延賞作清供重陽料峭西風急老菊發開燕麥種  
客來快馬著輕衫大呼上船氣豪縱崖崩禿樹黃葉翻  
瓦罌濁酒白衣送捩柁開頭百丈牽欸乃無聲雙蹇鞵

長年三老不曾識赤脚奴子為此弄豈是操舟張水嬉  
但同打鼓騎屋棟可笑茲游亦草草蕭騷野態集騶從  
日暮入城寒雁來輒塵撲面同一夢郁生為埽秋汎圖  
我欲作歌招屈宋

官河浩蕩城東隅舳舻銜尾舟人呼五閘屹屹蓄水  
利奔流直下跳圓珠九日已過氣蕭瑟田郎治具招  
我徒方每次第羅几案琉璃色映紅纒榆微風舒舒  
旗脚轉波浪淡折靴紋粗鳧鷖亂流唼苻藻枯楊夾

岸森千株欵乃聲中魚網急恍惚身入江南圖溪橋  
小市足蝦菜人聲往往雜燕吳過峽灘平水清淺牽  
以百丈驅兩驢諸君觴行乃無筭發狂大叫驚僮奴  
潞河浮圖倏在眼峭帆恨不凌江湖返棹扳蘿登古  
堞蒼然秋色來平蕪夕陽欲下寒山紫迴光激蕩紛  
有無郊壇陵廟雄制作風雲慘淡羣靈居龍蟠虎踞  
勢應爾不然何以稱

皇都結束短後上馬去城頭暮笳吹嗚嗚  
曹貞吉

京東東門連夾城城上角樓頗高亢門外長橋跨大  
河轉粟轟轟車萬兩上橋輪蹄莽縱橫爭門人畜互  
擊撞常時送客扛籃輿跼步欹斜防跌宕今秋新霽  
塵不飛田郎招我泛清漲聽事臨流足松竹行厨及  
午陳脯醬翻匙一飽尋河干突兀方舟此遊荆連檣  
結纜排米船繡緞紅纓作行障遙隄最愛草樹齊逆  
浪還憐鵝鴨放岸邊亦有高下樓朱袴青娥出相望  
客喧船重風力微北地操舟踰暮盪長繩并逐青驢

牽短篙漫憶黃頭唱五里一開如面牆下板橫波不  
肯讓閘東更有雙棹迎日映廉泉屹相向懽情爛漫  
履舄交主人大呼倒官釀一時供帳皂隸趨吾徒顧  
此神色王京朝之官人所榮如魚中鈎徒弄吭開元  
遜勝成故文妄想緡錢曲江上况復四郊暗戎馬咄  
嗟行樂理實曠人生快意須目前車壁空捶朱雀桁  
諸公懸懸思繪圖田郎推我寫圖狀忠恕精神雖未  
工和之大意吾能相寒宵放筆作綿蕞指點溪山呼



巧匠 汪懋麟

我生隨地逢重陽放船獨數金陵快江心枕樓一丈  
高坐見洪濤納千派赤波萬頃連扶桑突立江豚向  
天拜爛醉豈知津吏迎狂呼每犯舟人戒自從都市  
飽塵坱常憶秋空浮沆瀣潞河以西接天庾儼如斤  
堆分疆界田郎才大無與儔衙前秋水添澎湃擬金  
伐鼓羅衆賓短詠長歌出官解昨宵雨阻龍山飲曉  
雲散落如崩壞游魚潑刺跳相濺菊花細瑣沿村賣

慶豐閘水爭喧逐煦沫旋渦轉幽怪海上鯨鯢不自  
戢空中鷗鶚誰能鍛金臺已平馬骨朽當杯豈暇論  
興敗與君細話金陵游夢魂相逐憐行邁何時携手

三山巔下瞰神州似織芥 顏光敏

田子爾能歎吐趵突之飛流骨格蕭爽誰與儔水關  
甃石縛亭子頗似張融岸上舟昨日戎戎山雨來登  
高孤負冥鴻秋晨朝風色霽更好折簡報我東河遊  
紅螺為葢沙棠楫紫英黃叢置兩頭此地泔瀨數尺

許老蛟亦或潛深湫須臾上客驅驟出銀匣錦帕紛  
相糾輿臺趨走即揮汗榜人牽挽驚哀喉五閘迸開  
誅蕩蕩施底下瀉如圓鷗世間樂事那有此觀者摩  
肩提新篔兩岸老樹霜拳打鳥飛不救落楓稠平頭  
行觴酒將半河干容喬揚棹謳賀老琵琶李暮笛鷓  
鷯翡翠聲啁啾各言樂極不可又閃忽側柁檣烏收  
憶爾昔刺湖心艇蓴絲卷葉凝脂柔對茲六橋渺在  
眼宗炳動操良悠悠西吳郁生亦好手鼠鬚貌得壑

與丘圖成痛飲卧其下眾岫倒侵林塘幽 林堯英  
田郎與我相識今十年新詩日下萬舌爭流傳黃塵  
撲面三伏火雲熱每誦子作令我心爽然開軒示我  
秋汎圖五丈鴨頭畫出宛似吳中船大通橋北官舍  
最湫隘箕筭斗斛囊橐羣喧闐他人對此束縛不得  
去田郎掉頭一笑浮輕漣疎花蒙籠兩岸渡頭發蹇  
驢蹶躩百丈風中牽五里十里長亭短亭出千絲萬  
絲柳枝楊枝眠當其快意何啻天上坐酒盃入手興

至吟猶顛慶豐閘口只有此渠水未知經過誰子曾  
洄沿倉曹題柱名姓不可數似子飛揚跌宕真無前  
長安酒人一時賦長句我亦對客點筆銀光牋蓬窗  
寂寞不妨添畫我從子日日高詠秋水篇 朱彛尊  
長安終日苦束縛騎馬乘閒聊作達撲面塵埃少顏  
色興盡俗情竟難脫吾友田生稱好竒半載水衡困  
轆轤秋深度支官粟完邀我共看秋濤濶青簾白舫  
趁風日鳴鑼打鼓尋幽豁座中主客盡名士乘河訝

笑吟鬚將岸頭老樹勢  
杖材洲邊鵝鶴相叫聒  
聞窮更易千斛舟  
回望奔流如箭筈  
雲霾浪打惱龍眠時  
有魚舸來一林田生頻呼官  
醪出倚欄大叫神飛越  
日斜醉劇從歸棹  
更上危厓俛鶴鴣  
吾徒本是疎散  
人一官轉使幽懷  
割何不掉首去  
風塵間傍清流洗

銅鉢 謝重輝

雷琴歌為張晴峯作

孤桐三尺歷千載  
張子入市偶得之  
衆星剝蝕渾莫辨

色如苔蘚多癩脈白日摩挲夜畫肚劇自何人遺今茲  
不妨故物遭福剖經營妙絕般與倅是時坐客避十舍  
橫刀快斫生蛟螭多年風雨伏其腹舂撞崩裂毛髮吹  
背署宣和養正字點竄倒雉岫巉碑名曰大厯雷氏製  
巴蜀巧匠西南陸我聞雷威雅好古雜花亭舍無人窺  
斷琴成紋蛇蚶走霧中翠嶂連峨眉嗚呼此琴有鬼守  
湯盤孔鼎同琴追不然唐宋興亡弔陳跡斜陽蟋蟀秋  
聲悲金石劫火況枯木今之存者寧無疑塗以榻髹絃

則七僮父嗤點何其卑太古遺音在指爪什襲瓦缶徒  
爾為爨下棄材世莫惜廣陵絕調羣豈知蝙蝠宵飛月  
皎皎躑躅葉大風颼颼看余一旁意騷屑承顏拄肘聽  
潁師

旅店讀放翁與溥菴主說川食詩因述都門食  
物用廣其意

冬春藟散米不麤灤河土鱈脂可屠槐蘘蕨芽肥勝肉  
朱梨鮓餅饊花酥火煨鹿尾甘脆熟大椀牛乳傾醍醐



來禽如拳含桃珠團臍紫蠓無時無負此腹者一腐儒  
朝餐豆粥坐日晡十載何能辦脫粟龜腸蠶腹鳴鳴  
鳴

趵突泉歌

十年不到趵突泉今夕觀泉頗詖蕩乍聽只疑地肺坼  
坐久如聞江鼉漲澄泓一池竹樹深吞納千溪亭榭曠  
馮陵叫嘯衆山響迸落簷花劈高浪白髭道士前致詞  
七十二泉各殊狀獨有趵突絕神奇王屋倒瀉夸娥創

崩裂不聞海髓乾噴薄直從石竅上軒轅張樂列笙鏞  
白蜺掉尾飲甕盎深源百脈皆汨流此水不知安歸向  
鵲華屹立四扇開面面諸峯作屏障我聞道士說泉源  
塵壒掃除神色王岸幘振翮思騫騰如御樵風吹五兩  
錢塘勁弩射潮回廣陵夜雨聽濤壯况自千佛巖頂歸  
春風綠酒供行帳波紋凌亂菡萏出山脚斑駁桃花放  
及到此泉已昏黑冷冷月色照衣桁有客登樓蹋白雪  
何人吹笛送高唱陂陀犖确泥路滑橋邊一鶴行相

傍

妙喜寺冬夜醉歌

夜鷓啄瓦沙擊窗北風撼屋聲  
縱捩瞠眸午夜澀不睡  
百憂萬事排軀腔瑟縮古佛守空案  
琉璃寒火燒油缸  
乃知彌勒同龕宿銅鈴繡段搖幡幢  
如何此佛不凍死  
解看牀下拜老龐苦齧被絮走饑鼠  
睚眦口眼銜髭雙  
折脚之鐺恣播弄大如狐狸相舂撞  
城頭鼓柝響不絕  
奔崩戰馬交矛鏃誤談孔姬腐  
儒腐不擁娥  
蒼傾酒缸

偏學枯禪柳生肘但于靜者心為降滿前巖馬都可畏  
我無巨筆同豐杠那免羣輩笑淺陋邾莒曹鄒何成邦  
皺面朱鉛自塗抹官府催促人來扛馬得土室卧風雪  
西郭流水聞淙淙寺僧聽之三嘆息前軒啁噓語亂咙  
起搜栗林生獸火鐵盆楮拙餘梅椿鵝兒殼破輒一醉  
我心塊然如鴻江

結用黃山谷語

寒食送劉木齋提學江南

劉子個儻天人姿便便大腹多髯髭携蒲一擲直百萬

標格潔淨無癥疝精神勁挽千鈞弩文章細吐春蠶絲  
江北江南稱才藪

帝曰汝往衡文辭國門祖帳騎官馬吟鞭投贈珊瑚枝恰  
直寒食家禁火飛花撲地暄和時當筵醉眼向斜日滿浮  
大白前致詞韓柳歐曾不復作王瞿唐薛何由追剽盜疲  
滿夸鉅手紛紛制作徒爾為響成瓦缶非鏞鼓竅同螻蚓  
無蛟螭別裁偽體起八代扶輪大雅千秋期此事微茫識  
者少文章元氣公撐撐河橋駒鳴忽分手杏花一路東

風吹

戲題友人扇上五蝶

一蝶粉褪額半黃一蝶鬚短衣青蒼一蝶學舞塌雙翅  
一蝶狡獪神揚揚更有一蝶多態度倒飛口眼睚盱張  
菜花開徧辛夷香鳳子遊冶春駒狂生在羅浮葛仙宅  
嬌似壽陽公主妝山吐晴嵐水放光勾欄四面花中央  
搨得滕王真妙手栩栩風吹來我傍

送李欲仙之官蘄水

李子通籍十六年文章鬱怒詩才敏清襟雅量有態  
度哆口疎眉無畦畛燕郊騎馬酒徒多楚船打鼓布  
颿穩青門送客發曼歌今日之官蘄水尹一時何哉  
唱渭城大響蛟螭細虺蚓蘄春山川最峭拔水郭風  
花更輪囷赤鼻遠岫聳千尺白渚芙蓉插萬本縣堂  
鞭笞痛民愚長吏刀圭鑿邑疹手版低頭如駟蛭行  
隊張軍駕鞦韆黃召杜少難追東馬嚴徐多可哂  
數載為郎齒髮衰水部龍鍾石甌窘那怪紛拏逐燕

雀無異青紅浮海蜃唐舉妙術何人傳虞翻寒相勞嗟  
憫不應趨朝聽曙雞只合澆畦採野菌山雲披絮雨新  
沐井梧蕭撼葉未墮旗脚風轉聞鳴榔天色蔚藍秋雁  
引

歐蚊行

蝸牛廬淺龜殼破炎夜敲蒸不得臥三更襟襪循牆走  
一扇蒲葵赤脚坐暗搜茗椀澆舌本印看星斗蟻轉磨  
何物長喙行且謠有客喙肉饒復餓卻憐脫禪供其飽



使之負山誰敢唾  
秦民豹脚亦多名  
醯雞蟻蝮非一箇  
孫氏從無白鳥來  
郭家豈用青蠅賀  
運斤斲鼻蚤被創  
開憐捫掌反遭漉  
瓠壺肥白遜張蒼  
鶴骨清癯只措大  
那堪狼戾恣老饕  
最苦顛翻攪睡課  
蘄州琉璃八尺黃  
槐國黑甜千聲和  
此癢須倩麻姑爬  
有牀難叅獅子座  
安得西風鏖暑一  
將軍格鬪操戈驅  
汝過

山谷云西風鏖殘暑如用

病  
霍去

秋夜飲宋子昭齋作歌

公子客位置箕帚潭潭大腹談天口險語驚人蒲牢鳴  
新詞按譜神珠走豪氣不除狂態作自午楚來坐至酉  
牀下篋蠹排石鼎竹間活火沸茶臼髻髻米家書畫船  
荆關董巨無不有摩挲隄防寒具油六丁雷電呵鬼守  
畫理奧突昔駭昧聞公子言得八九宣和堂堂分甲乙  
鵝溪隱隱辨好醜劍南快讀放翁詩瘦瓢滿注易州酒  
花開瓦盆一茱麗香剝黃柑五佛手花奴之鼓段師絃  
雪兒度曲自擊缶但圍紅袖寫烏絲豈管白衣變蒼狗

題夏圭畫

高下數家村路好落日鳴鴉盤木杪田背雨痕龜兆坼  
石牀風過松花掃窄崖縛屋酒旗斜犇瀨杙船漁簑杳  
土牆半塌紅橋垂牧豎橫騎黑犢小港口柳陰樵唱來  
茅亭四面有棲鳥吾家遠在兩津西紙上丘壑今了了  
萬峯屹肆一水灣願築菟裘身將老

題戴嵩畫

白沙翠竹滿山隴山風昏黑天欲雨川尾軋軋小艇來

饑雁一行下洲渚阿童摩挲老殼齮手操鞭箠如鳴舫  
口眼盱眙笠子破橫踞牛背禿速舞一犢舂撞求其乳  
小不服箱似犇虎獵者漁者隔江浦鷗邊認箭魚跳罟  
前村葦路霜風斜潭潭聞撾夔牛鼓嗟乎戴嵩人已古  
畫家紛紛不足取

同袁杜少遊張氏園亭

百本枳櫨十圍大城內空濶如城外小園沙塹柴縛門  
巷口鴨柵水為界下馬穿雲衣襟重沿池曳杖禽魚怪

芭蕉當戶葉似簾  
薔薇引蔓壁如疥  
遠疊翠嶂石千稜  
橫截奔流泉一派  
莓苔平鋪柔可坐  
藤蘿高架午不曬  
陰崖蚪籀疑頡書  
假山螺髻遭米拜  
橋邊行酒細腰鼓  
竹裏烹厨銀魚鱠  
我輩不妨恣狂吟  
向火旗亭景清快  
好待西風秋雁斜  
再來攤飯聽松籟

魚

陵州之魚美無亞  
春撞跋刺長河汜  
舉網跳波鱗鬣紅  
窺缸滿尺筇箸罇  
初打只在春冰泮  
漸少偏隨桃花謝

柳條可貫脂可屠江鱸灤鱗出其下城北城南但數里  
罩曷籜斷盡可畫月上弄船浪簸篷雨後搖竿泥沒胯  
百頓飽噉斫雪膾千錢誰恠論斤價無乃此地通丙穴  
饒口癡腹從天借官衙日持太常齋不賦歸與安稅駕  
秋風自操舫艇還會傍獻儕結茆舍

酒

鮫州之酒其味淡名則美矣理可勘入琰只疑錯著水  
不數鵝黃琥珀豔夜傾一斗未醺人軟飽三升翻按劍

劉子何曾荷鍤埋王績安得醉鄉占去冬鷓足挂後車  
雪葉掌大梧湫豔浮白無算地壚紅老眼昏花向鉛槧  
才得半酣卻易醒客愁不眠生萬念乃知此物貴醇濃  
青州平原問酒監陵州胡為攫美名事無定評多欺賺  
海內流涎損重價大是春秋吳楚僭用放翁語非將清流投  
濁流病在一薄無由砭虎豹雄姿文陸離奚取信信長  
喙獫蹄謀麴米漉瓦盆葛中糟牀百不憾遵依西涼蒲  
萄法遠勝白墮新豐店茗芋拍手笑如泥箇中妙理觴

非濫

重經大通橋有感

月在作噩秋已半天風颯爽橫秋雁東城橋枕長河流  
西山峯壓層巒斷打鼓搖竿吏放閘馱纜牽船驢行棧  
慶豐八里野人家浮屠千尺維摩院溪漲崖根浪齧沙  
篙插樹腹雨崩岸豈田上下飛蝴蝶荷渚蒼茫叫鳧鶴  
軋軋連車秣登塲纍纍欹架瓜垂蔓井水微清河水渾  
蕎花能白蓼花茜茅屋土牆烟火出菜圃芋區轆轤灌



柳陰濃綠射棚張  
旗脚晴紅毬場轉  
新兔穿莎小似拳  
老鷗墮雲暮逢箭  
健兒臂立絡鞬鷹  
燕姬簾露當壚面  
款段何愁去復回  
遑事空追一漏萬

古歡堂集卷五